



**ԱՐԵՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ**  
**NATIONAL SUPREME COUNCIL OF THE ARMENIANS OF WESTERN ARMENIA**  
**НАЦИОНАЛЬНЫЙ ВЕРХОВНЫЙ СОВЕТ АРМЯН ЗАПАДНОЙ АРМЕНИИ**  
**المجلس الوطني الأعلى لأرمن أرمينيا الغربية**

## **ԾԱՆՈՒՑՈՒՄ**

ԱՐԵՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի Ընտրական յանձնաժողովի Ազգային-Քաղաքական բաժինը, 13 Օգոստոս 2020-ին գումարած իր առաջին նիստին, օրակարգի հիմնական նիւթը դարձուց յառաջիկայ ընտրութիւններուն մասնակցիլ ցանկացող թեկնածուներու տրամադրութեան տակ դնել ընտրուելիք Ազգային Գերագոյն Խորհուրդի ազգային եւ քաղաքական սկզբունքներուն հիմքերը:

Նկատի ունենալով անցեալի փորձառութիւններն ու քննարկելով նման քայլերու անյաջողութեան տարրական պատճառներն ու խոչընդոտները, ընտրական յանձնաժողովի Ազգային - Քաղաքական բաժինը նախքան թեկնածուներուն հրաւերներ ուղարկելը, անհրաժեշտ գտաւ յստակօրէն ամրապնդել այն բոլոր հիմնական ազգային եւ քաղաքական սկզբունքները՝ որոնց շուրջ հաւաքական համաձայնութեամբ միայն պիտի երաշխաւորուի ԱՐԵՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի ապագայ գործունէութեան առողջութիւնն ու նպատակի պահպանումն ու յաջողութիւնը:

Խորհրդակցութիւններու աւարտին ընտրական յանձնաժողովի Ազգային-Քաղաքական բաժինը միաձայնաբար որդեգրեց հետեւեալ սկզբունքները, որոնք յամենայնդէպս կրկին կրնան քննարկուիլ ու բարեփոխուիլ ի պահանջել հարկին:

ԱՐԵՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի ընտրութիւն-ներուն մասնակցելու ցանկութիւն ունեցող թեկնածուները կը պարտին համաձայն ըլլալ հետեւեալ Ազգային եւ Քաղաքական դիրքորոշումներուն եւ սկզբունքներուն.

1. Տարագիր Արեւմտահայութեան վերջնական հայրենիքը Արեւմտեան Հայաստանն է:
2. Կիլիկիան անբաժանելի մասն է Արեւմտեան Հայաստանի:
3. Սփիւռքը ժամանակաւոր կարգավիճակ մըն է: Հետեւաբար, Արեւմտեան Հայաստանի եւ Կիլիկիոյ Հայութիւնը կը կոչուին Արեւմտահայեր եւ ոչ թէ Սփիւռքահայեր:
4. 11 Յունուար 1918-ի Ռուսական դեկրետը Արեւմտեան Հայաստանի նկատմամբ, 1920 թուի Յունուար 19-ի (De facto) եւ 1920 թուի Մայիս 11-ի (De jure) միջազգային ճանաչումները, 1920 թուի Օգոստոս 4-ի Կիլիկիոյ անկախութեան Հռչակագիրը, 1920 թուի Օգոստոս 10-ի Սեւրի խաղաղութեան դաշնագիրը եւ 1920 թուի Նոյեմբեր 22-ի Ռիլսոնեան իրաւարար վճիռը՝



իրաւական անբեկանելի եւ անխախտելի հիմքերն են ապագայ Արեւմտեան Հայաստանի Հանրապետութեան:

5. Ըստ միջազգային օրէնքի հիմնադիր սկզբունքներուն եւ յատկապէս Հաագայի (Լահայի) ցամաքային պատերազմի օրէնքներուն մասին՝ 1907 թուի Հոկտեմբեր 18-ի 4-րդ պայմանադրութեան 3-րդ բաժինի 42-րդ յօդ-ուածին՝ Արեւմտեան Հայաստանի տարածքները կը համարուին գրաւեալ տարածքներ, որտեղ կը գործեն միջազգային օրէնքներն ու անոնցմով երաշխաւորուած բոլոր իրաւունքները:
6. Ազատագրուած, վերականգնուած եւ ինքնիշխան Արեւմտեան Հայաստանի Հանրապետութիւնը.

- Ենթակայ է միջազգային իրաւունքի հանրաճանաչ բոլոր չափանիշներուն եւ կը ներկայանայ որպէս համաշխարհային խաղաղութեան, անվտանգութեան եւ բարգաւաճման սատարող՝ միջազգային ընտանիքի գործօն մէկ անդամը:
- Ան միջազգային համագործակցութեան եւ համերաշխութեան տարածք պիտի ըլլայ: Ան երբէք մաս պիտի չկազմէ միջազգային որեւէ հակամարտութեան կամ բախումի՝ բացի այն պարագաներուն երբ ան կ'ենթարկուի իր ինքնիշխանութիւնը վտանգող արտաքին թշնամական արարքներու:
- Ան պիտի երաշխաւորէ համամարդկային արդարութեան սկզբունքները, նաեւ ազգերու միջեւ փոխադարձ յարգանքի եւ ազատ ընտրութեան եւ ինքնորոշման իրաւունքին վրայ հիմնուած շահերը:
- Ան պիտի գործէ որպէս մարդկային քաղաքակրթութեան եւ ազգերու տարբեր մշակոյթներու միջեւ համերաշխութեան եւ հանդուրժողականութեան փարոսն ու երաշխիքը:
- Մաս պիտի կազմէ տարածաշրջանային եւ միջազգային դրական ու կառուցողական ծրագիրներուն՝ որոնք կը միտին մարդկութեան բարօրութեան, զարգացումին եւ բարգաւաճումին:
- Ան պիտի երաշխաւորէ իր սահմաններէն ներս ապրող այլ ազգութիւններու կամ հոգեւոր հաւատամքներու պատկանող անխտիր բոլոր բնակիչներու մշակութային, ընկերային, տնտեսական եւ կենսական իրաւունքները:
- Ան բարի դրացիութեան սերտ եւ անկեղծ յարաբերութիւններ պիտի մշակէ ու պահպանէ հարեւան անխտիր բոլոր ազգերուն եւ ժողովուրդներուն հետ, ներառեալ եւ յատկապէս թիւրք եւ քիւրդ ժողովուրդներուն հետ:
- Ան կողմ պիտի ըլլայ երկրագունդի միասնական եւ ներդաշնակ կառավարման համակարգի մը ստեղծումին՝ արդարութեան, բազմաբեւեռականութեան եւ երկրագունդի բոլոր ազգերուն միջեւ փոխադարձ իրաւունքները յարգելու հիմքերով:



7. Մինչեւ վաւերական իրականացումը Ազատագրուած, Վերականգնուած եւ ինքնիշխան Արեւմտեան Հայաստանի Հանրապետութեան՝ թրքական բռնագրաւող պետութեան հետ յարաբերութիւններու իւրաքանչիւր բնականացումի քայլ կը համարուի ազգային դաւաճանութեան աններելի եւ անշրջանցելի արարք:

## ԱՐԵՄՏԱՀԱՅՈՒԹԵԱՆ ԱԶԳԱՅԻՆ ԳԵՐԱԳՈՅՆ ԽՈՐՀՈՒՐԴ-ի

Ընտրական յանձնաժողովի  
Ազգային-Քաղաքական բաժին

15 Օգոստոս 2020